



“ШАРҚ ТАРОНАЛАРИ” — ТИНЧЛИК ВА ҲАМЖИҲАТЛИК ЭЛЧИСИ

Самарқанд шаҳрида 26 август куни “Шарқ тароналари” XIII халқаро мусиқа фестивали бошланди.



Шарқ гавҳари, ер юзининг сайқали Самарқанд байрамлар оғушида. Ватанамиз мустақиллигининг 33 йиллиги ва “Шарқ тароналари” халқаро мусиқа фестивалига кўрилган тайёргарлик шаҳарга янада файз ва чирой бахш этган. Кўча ва хиёбонлар,

майдонларда экилган турли туман гуллар, йўллар четдаги ранго ранг байроқлар кишига завқ беради. Сўлим боғ ва хиёбонлар таровати ўзгача. Буюк ипак йўлининг чорраҳасида жойлашган, Ғарб ва Шарқни боғлайдиган

Самарқанд азалдан нанкин савдо-сотик ва иқтисодий муносабатлар, балки маърифат маркази ҳам бўлган. Шунинг учун ҳам ҳамма давр ва замонларда одамлар Самарқандга талпинган, унинг гўзаллигидан, илм-маърифатидан баҳраманд бўлишни истаган.



Президентимиз Шавкат Мирзиёевнинг бу муаззам шаҳарга меҳри, юксак эътибори туфайли Самарқанд бугун Янги Ўзбекистоннинг туризм дарвозасига айланмоқда ва бу қадимий кент жаҳон туризм бизнеси марказлари қаторига қўшилмоқда. Халқаро

дипломатияда эса “Самарқанд руҳи” деген тушунча пайдо бўлди ва бу давлатлар, халқлар ўртасидаги дўстлик, бағрикенглик, аҳилликни ифода этмоқда. “Шарқ тароналари” халқаро мусиқа фестивали эса ана шу руҳ, эзгу мақсадлар-

ни ифода этиши билан бугун Самарқандгагина хос қадрият даражасига кўтарилди ва қисқа танаффусдан сўнг яна азим шаҳарга қайтди.

► Давоми 2-бетда

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ “ШАРҚ ТАРОНАЛАРИ” ЎН УЧИНЧИ ХАЛҚАРО МУСИҚА ФЕСТИВАЛИНИНГ ОЧИЛИШ МАРОСИМИДАГИ НУТҚИ

Ассалому алайкум, муҳтарам меҳмонлар!

Қадри ватандошлар!

Хурматли хонимлар ва жаноблар!

Бугунги шуқуҳли оқшомда сизлар билан серқуёш Ўзбекистонда, Ватанамизнинг бебаҳо гавҳари бўлиши азим Самарқанд шаҳрида кўришиб турганимдан бахтиёрман.

Авваломбор, ЮНЕСКО шафелигида ўтказилаётган “Шарқ тароналари” халқаро мусиқа фестивалига ташриф буюрган сиз, муҳтарам санъат намоёндаларига, нуфузли фахрий меҳмонларимизга, хорижий давлатларнинг элчилари ва халқаро ташкилотлар вакилларига, оммавий ахборот воситалари ходимларига чуқур миннатдорчилик изҳор этаман.

Барчангизга самимий ҳурмат-эҳтиромимни билдириб, бугун Ўзбекистон халқининг салому ва эзгу тилақларини етказишга ижозат бергайсиз.

Муҳтарам фестиваль иштирокчилари! Пандемия туфайли юзага келган беш

йиллик танаффусдан сўнг ўтаётган “Шарқ тароналари” фестивалини санъаткорлар ҳам, мухлислар ҳам бирдек соғинган, деса, ҳақиқатни айтган бўламан. Шу боис, бугунги санъат байрами барчамизни янги-ча руҳ ва шуқуҳ билан ўзига чорламоқда.

Мамлакатимизда ўн учинчи бор ўтказилаётган ушбу анжуман гарчи “Шарқ тароналари” деб аталса-да, бугунги кунда у моҳият эътиборига кўра, “Жаҳон тароналари” фестивалига айланганига барчамиз гувоҳимиз.

Бу ҳақиқатни биринчи фестивалда 31 та мамлакат вакиллари қатнашган бўлса, бу йил барча қитъалардаги 80 га яқин давлатдан 400 нафардан зиёд санъаткор ва олимлар иштирок этаётгани ҳам тасдиқлайди.

Ўтган давр мобайнида Самарқанднинг юлдузли осмони остида қанчадан-қанча сеҳрли наволар, ҳаётбахш оҳанглар янгради. Кўҳна Шарқ бағрида тугилган мусиқий қадриятлар анжуманимиз туфайли халқаро миқёсда кенг эътибор ва эътироф қозонди. Фестиваль ўнлаб маҳоратли

хонанда ва созандаларни, истеъдодли ёшларни кашф этди, уларнинг парвозига қанот, ижодига куч ва илҳом бағишлади.

Қадри дўстлар!

Дунёдаги жамиқ халқлар қатори ўзбек эли ҳам тинчлик ва осейиштликини юксак қадрлайдиган, оққўнғил ва бағрикенг халқдир. Янги Ўзбекистон ташқи сиёсатининг туб моҳиятини ҳам турли давлатлар билан тинчлик ва ҳамкорлик, дўстона муносабатларни ривожлантириш тамойили ташкил этади.

Шу маънода, юртимизда “Шарқ тароналари” анжумани билан бирга, халқаро мақом санъати, бахшичилик санъати, хунармандчилик фестиваллари, фольклор ва рақс санъати бўйича “Буюк ипак йўли”, “Лазги” халқаро фестиваллари, Тошкент халқаро кинофестивали сингари йирик маданий тадбирлар мунтазам ўтказиб келинмоқда. Улар, таъбир жоиз бўлса, Ўзбекистоннинг жаҳон аҳлини тинчлик-тўғривликка, қардошлик ва аҳилликка чақирадиган эзгу давъатидир.

Бундай чорлов ҳозирги вақтда ғоят муҳим аҳамиятга эга. Чунки бугун кўз ўнгимизда дунёнинг бутунлай янги, беқарор, хавотирли геосиёсий ва геониктисодий архитектураси шаклланимоқда. Турли мамлакатлар ўртасида низо ва адоватлар, қарама-қаршилик, шионсизлик муҳити кучаймоқда. Жамиятлар ичида маънавий таназул илдириш отмоқда. Нотинч ва таҳликалчи замонда азалий қадриятларни, одамийлик қиёфасини сақлаб қолиш тобора мушкул бўлиб бормоқда.

Мана шундай мураккаб вазиятда **илоҳий сарчашмалардан қувват олиб, вақт ва макон чегаралари оша гуманистик идеалларни тараннум этадиган асл санъат, мусиқа ва адабиёт халоскор куч бўлиб майдонга чиқиши зарур.**

Бугун биз танлаган йўл келажакимиз ва тақдиримизни белгилайди. Бу кўҳна дунё тинчлик ва дўстлик билан яшайди, яшаради. Инсонлар, халқлар ва давлатлар ўртасидаги ҳамжиҳатликни эса, биринчи навбатда, сизлар каби эзгу ниятли ижод-

корлар, сизларнинг ҳамфикр ва бирдамлигингиз, адабий-маданий ҳамкорлик мустақамлашди.

Азиз дўстлар!

Мана шу муҳташам майдонда мағрур ҳилпираб турган байроқларга қаранг! Қайси мамлакат, қайси халқ тимсолларини кўрмайсиз бу ерда! Улар ифода этадиган ранглар билан уйғун ва ҳамохангдир. Шу ҳолатнинг ўзи ҳам инсониятнинг асли ва насли бир эканидан далолат бермайдими?

Мана шундай эзгу ва улғу мақсадларни ўз ҳаётининг мазмуни деб билган сиз, азизларни — етти иқлимдан келган тинчлик ва дўстлик элчиларини бугун меҳмондўст ва маърифатли Самарқанд аҳли, бугун Ўзбекистон халқи бағрини очиб қарши олмақда.

Бизнинг халқимиз азал-азалдан санъатга меҳр ва ихлос қўйиб яшайди, мусиқани инсон руҳининг илоҳий қуввати деб билди. Буюк Шарқ мутафаккирлари мусиқа

илми ва тарихи, мақом санъати, чолғу созлари ҳақида ажойиб асарлар яратганлар. Биз барчамиз мана шундай ўлмас маданий мероснинг ворисларимиз. Бинобарин, бу улкан меросни биргаликда ўрганиш ва кенг тарғиб этиш, уни келгуси авлодларга безавол етказиш олдимизда турган энг муҳим вазифадир.

Шу маънода, бетакрор Самарқанд заминда дунёнинг таниқли илм-фан ва маданият арбоблари иштирокида мамлакатимизнинг маданий меросини ўрганиш, сақлаш ва оммалаштириш бўйича кунги кеча ўтказилган навбатдаги халқаро илмий конгресс муҳим амалий қадам бўлди.

Ушбу анжуманда мамлакатимиз маданий-гуманитар ҳаётида ўзига хос мега-лойдга бўлган Ўзбекистондаги Ислом цивилизацияси маркази фаолиятини такомиллаштириш бўйича янги ғоя ва ташаббуслар, қимматли таклиф ва тавсиялар билдирилгани бизни албатта мамнун этади.

► Давоми 2-бетда

ИМОМ БУХОРИЙ МАЖМУАСИ БУЮК МАЪНАВИЙ УСТУН БЎЛАДИ

Президент Шавкат Мирзиёев 26 август куни Самарқандга ташриф буюрди.

Эзгу қадриятларимизга мувофиқ, аввало Имом Бухорий мақбараси зиёрат қилинди. Қуръон тиловат этилиб, дуо ўқилди.

— Мамлакатимиз мустақиллигининг 33 йиллик байрами арафасида турибмиз. Илоҳим, мустақиллигимиз бардавом бўлсин, юртимизга кўз тегмасин. Халқимизни рози қилиш бўйича ишларимизга Аллоҳнинг ўзи маъдоркор бўлсин. Бу мажмуани қуришдан мақсадимиз ҳам Имом Бухорий бобомизнинг қадрини янада кўтариш, жаҳонга баралла айтишга асос яратиш. Бундай хайрли ишларимиз кўп бўлсин, — деди Шавкат Мирзиёев.

Маълумки, Президентимиз ташаббуси билан Имом Бухорий мажмуаси янгидан барпо этилмоқда. Мақбара майдони 600 квадрат метр, баландлиги 28 метр этиб кенгайтирилган. 10 минг кишига мўлжалланган масжид бунёд этилган. Мажмуанинг тўрт бурчагидаги 75 метрлик миноралар унга улғуворлик бағишлаган. Бугунги кунда қурилиш ва муҳандислик ишлари битказилиб, пардозлаш босқичи

бошланган. Бунда миллий анъаналар ва иссиқ рангларга алоҳида эътибор берилган.

Давлатимиз раҳбари ушбу қурилиш ва пардозлаш ишлари билан танишди. Энди мажмуада замонавий, хавфсиз бошқарувни жорий этиш зарурлигини таъкидлади.

— Бу мажмуа буюк маънавий устун бўлиши керак, — деди Президент.

Мутасаддиларга барча туман ва шаҳарлардаги табаррук зиёратгоҳларни тиклаш, уларнинг тарихи ва мазмунини тўғри талқин қилиб етказиш бўйича кўрсатмалар берилди.

Мажмуада, шунингдек, музей, нақшкор айвонлар, маъмурият ва хизмат кўрсатиш бинолари қурилмоқда. Давлатимиз раҳбари булажак музейни ҳам кўздан кечирди.

Самарқандга ташрифи чоғида давлатимиз раҳбари Ҳазрати Ҳизр мажмуасида ҳам бўлиб, мамлакатимизнинг Биринчи Президенти Ислом Каримов мақбарасига гул қўйди.

Қуръон оятлари тиловат этилиб, дуо ўқилди.

Ў.А

Ўзбекистон Республикаси Президентининг ФАРМОНИ

ФУҚАРОЛИК ЖАМИЯТИ ИНСТИТУТЛАРИНИ ДАВЛАТ ТОМОНИДАН ҚўЛЛАБ-ҚУВВАТЛАШ ТИЗИМИНИ ЯНАДА ТАКОМИЛЛАШТИРИШ ЧОРА-ТАДБИРЛАРИ Тўғрисида

Янги тахрирдаги Ўзбекистон Республикаси Конституцияси, “Ўзбекистон — 2030” стратегияси ҳамда 2021-2025 йилларда фуқаролик жамиятини ривожлантириш концепцияси ижросини таъминлаш, фуқаролик жамияти институтларини давлат томонидан қўллаб-қувватлашнинг шаффоф ва соғлом рақобат тамойилига асосланган тизimini, шунингдек, ижтимоий фойдали дастурлар самарадорлигини ошириш учун қўшимча шарт-шароитлар яратиш мақсадида:

1. Қуйидагилар фуқаролик жамияти институтларини давлат томонидан қўллаб-қувватлашнинг асосий йўналишлари этиб белгилансин:

давлат ва жамият ҳаётида фуқаролик жамияти институтлари фаоллигини янада ошириш ҳамда ижтимоий-иқтисодий, маданий-маънавий ва гуманитар соҳаларни ривожлантиришда уларнинг салоҳиятидан тўлақонли фойдаланиш; жамият манфаатлари ва аҳолининг ҳақиқий эҳтиёжларини кўзлаган, жойларда сақланиб қолаётган долзарб муаммоларни ҳал этишга қаратилган ташаббусларни рўёбга чиқаришга қўмаклашиш; давлат органлари ва фуқаролик жамияти институтлари ўртасида ўзаро манфаатли ижтимоий шерикликни янада ривожлантириш;

► Давоми 3-бетда

Ўзбекистон Республикаси Президентининг ФАРМОНИ

ЎЗБЕКИСТОН РЕСПУБЛИКАСИ ДАВЛАТ МУСТАҚИЛЛИГИНИНГ ЎТТИЗ УЧ ЙИЛЛИГИ МУНОСАБАТИ БИЛАН ҲАРБИЙ ХИЗМАТЧИЛАР ВА ҲУҚУҚНИ МУҲОФАЗА ҚИЛИШ ОРГАНЛАРИ ХОДИМЛАРИДАН БИР ГУРУҲНИ МУКОФОТЛАШ Тўғрисида

Мамлакатимиз Қуролли Кучларининг жанговар тайёргарлигини оширишдаги алоҳида хизматлари, миллий манфаатларимизни ҳимоя қилиш, қонуни устуворлиги ва тинчликни таъминлаш, барқарорлик ва жамоат тартибини мустақамлаш борасидаги шарафли бурчини бажариш чоғида мардлик, жасорат ва фидойилик кўрсатгани, соҳада юқори малакали кадрларни тайёрлаш, ёш авлодни она Ватанга муҳаббат ва садоқат руҳида тарбиялаш йўлидаги кўп йиллик самарали меҳнати ҳамда ижтимоий ҳаётдаги фаол иштироки учун қуйидагилар фахрий унвон, орден ва медаллар билан мукофотлансин:

“Ўзбекистон Республикасида хизмат кўрсатган қурувчи” фахрий унвони билан

Мансуров Бахтияр Мунинович — Ўзбекистон Республикаси Давлат хавфсизлик хизмати Чегара қўшинлари ҳарбий хизматчиси

И даражали “Шон-шараф” ордени билан

Бобожонов Пўлат Разақович — Ўзбекистон Республикаси ички ишлар вазири

► Давоми 2-бетда

Мамлакатимиз тараққиётининг бугунги босқичида соҳани давлат томонидан қўллаб-қувватлашнинг фуқаролик жамияти институтларининг ўрнини оширишга хизмат қиладиган энг муҳим олтита йўналиши белгилаб берилди.

Ўзбекистон Республикаси Президентининг ФАРМОНИ

Фуқаролик жамияти институтларини давлат томонидан қўллаб-қувватлаш тизимини янада такомиллаштириш чора-тадбирлари тўғрисида

Бошланиши 1-бетда

фуқаролик жамияти институтлари томонидан давлат ва жамият ҳаётининг барча соҳаларини ривожлантиришга қўмаклашиш йўлида таъсирчан жамоатчилик назорати олиб борилишини рағбатлантириш;

фуқаролик жамияти институтларининг хориждаги ватандошлар билан алоқаларини йўлга қўйиш ҳамда уларнинг хориждаги уюшмалари билан ҳамкорлигини мустаҳкамлаш;

фуқаролик жамияти институтларининг моддий-техник базасини мустаҳкамлаш ва уларга ўз фаолиятини амалга ошириши учун қулай ташкилий-ҳуқуқий шароитлар яратиш.

2. Олий Мажлис палаталари, Олий Мажлис ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди маблағларини бошқариш бўйича парламент комиссияси, Қорақалпоғистон Республикаси Жўқорғи Кенгеси, халқ депутатлари вилоятлар ва Тошкент шаҳар Кенгашлари (кейинги ўринларда — маҳаллий Кенгашлар) ҳамда уларнинг ҳузуридаги ижтимоий шериклик бўйича жамоат комиссияларини қўйидаги ташаббуслари қўллаб-қувватлаш:

Олий Мажлис, Қорақалпоғистон Республикаси Жўқорғи Кенгеси ҳамда маҳаллий Кенгашлар ҳузуридаги нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди маблағларини қўйиш ушбу уларнинг негизда Олий Мажлис ҳузуридаги Фуқаролик жамияти институтларини қўллаб-қувватлаш жамоат фонди (кейинги ўринларда — Фонд) ҳамда унинг Қорақалпоғистон Республикаси, вилоятлар ва Тошкент шаҳридаги алоҳида бўлинмаларини (кейинги ўринларда — алоҳида бўлинмалар) ташкил этиш;

Фонд маблағларини бошқариш бўйича Олий Мажлис Қонунчилик палатаси депутатлари ва Сенати аъзоларини иборат бўлган парламент палаталари вакиллари ҳар йили навбатма-навбат раислик қиладиган Парламент комиссиясини (кейинги ўринларда — Парламент комиссияси) тузиш, унинг фаолиятига манфаатдор вазирлик ва идоралар ҳамда фаол жамоатчилик вакиллари жалб этиш;

фуқаролик жамияти институтлари вакиллари ва ташаббускор фуқароларни “Фуқаролик жамиятини ривожлантиришга қўшган ҳиссаси учун” кўкрак нишони билан тақдирлаш ваколатини Парламент комиссиясига ўтказиш;

Қорақалпоғистон Республикаси Жўқорғи Кенгеси ва маҳаллий Кенгашлар ҳузурида

уларнинг ваколатига қирадиган вазибаларни самарали амалга оширишга қўмаклашувчи фуқаролик жамияти институтлари вакилларида иборат бўлган маслаҳат гуруҳлари фаолиятини жамоатчилик асосида йўлга қўйиш.

3. Маълумот учун қабул қилинсинки: Фонд жами 45 та, шу жумладан, ижро этувчи девон — 17 та, алоҳида бўлинмалар — 28 та штат бирлигидан иборат бўлади;

Фонд ижро этувчи девони фаолиятини сақлаш, ходимларнинг меҳнатига ҳақ тўлаш харажатлари Ўзбекистон Республикасининг республика бюджети, алоҳида бўлинмаларнинг худди шундай харажатлари тегишича Қорақалпоғистон Республикаси бюджети, вилоятлар ва Тошкент шаҳар маҳаллий бюджетлари ҳисобидан қопланади;

Фонд фаолиятини ташкил этиш тартиби ва унинг ходимлари меҳнатига ҳақ тўлаш шартлари Олий Мажлис палаталари томонидан белгиланади.

4. Олий Мажлис палаталарига икки ой мuddатда фуқаролик жамияти институтларини давлат томонидан қўллаб-қувватлаш тизимини такомиллаштирилиши муносабати билан Ўзбекистон Республикасининг “Ижтимоий шериклик тўғрисида”ги қонуни ва бошқа қонун ҳужжатларига ўзгартириш ва қўшимчалар киритиш ҳамда ўз қарорларини қайта кўриб чиқиш тавсия этилсин.

5. 2024 йил 1 октябрдан 2027 йил 1 октябрга қадар Фонд маблағлари ҳисобидан амалга ошириладиган давлат грантлари ва давлат ижтимоий буюртмалари лойиҳалари доирасида тўланадиган қўйидаги солиқ турлари бўйича белгиланган солиқ ставкалари 50 фоизга камайтирилин:

лойиҳага меҳнат ва фуқаролик-ҳуқуқий шартномалари асосида жалб қилинган мутахассисларнинг меҳнатга ҳақ тўлаш тарзида олган даромадларидан тўланадиган жисмоний шахслардан олиннадиган даромад солиги;

нодавлат нотижорат ташкилотлари, оммавий ахборот воситалари ва фуқароларнинг ўзини ўзи бошқариш органлари томонидан меҳнатга ҳақ тўлашга доир харажатлари бўйича тўланадиган ижтимоий солиқ.

6. Иқтисодиёт ва молия вазирлиги ҳамда Адлия вазирлигининг қўйидаги тақлифлари га розилик берилсин: “Ижтимоий ҳимоя ягона реестри”га киритилган оидлар аъзоларига ҳомилий ташкилотлари томонидан солиқ даври мобайнида тўғридан-тўғри бериладиган пул маблағлари тарзидаги ҳомилий хайрияларнинг солиқ солинмайдиган миқдорини янги беш миллион сўмдан базавий ҳисоблаш миқдорининг юз бараваригача ошириш;

2025 йил 1 январдан бошлаб ногиронлиги бўлган шахслар, фахрийлар,

хотин-қизлар ҳамда болалар жамоат бирлашмаларини давлат рўйхатидан ўтказиш учун белгиланган давлат божлари миқдорини икки бараварга камайтирилган ҳолда ундириш.

Адлия вазирлиги Иқтисодиёт ва молия вазирлиги билан биргаликда бир ой мuddатда Ўзбекистон Республикасининг Солиқ кодекси ва “Давлат божи тўғрисида”ги қонунига мазкур банддан келиб чиқадиган ўзгартириш ва қўшимчалар тўғрисида қонун лойиҳасини Вазирлар Маҳкамасига тартисин.

7. Шундай тартиб ўрнатилсинки, унга мувофиқ:

бир календарь йилда банк ҳисобварақларида пул айланмаси бўлмаган жамоат фондлари учун ушбу календарь йилда ўз фаолиятини аудиторлик текширувидан ўтказиш ихтиёрий тартибда амалга оширилади;

ҳар йили вазирлик ва идоралар фуқаролик жамияти институтларига бюджетдан ташқари маблағлари ҳисобидан ижтимоий буюртма бериш бўйича танловлар ташкил этади. Бунда танловлар устувор равишда инсон ҳуқуқларини ҳимоя қилиш, коррупцияга мурасасиз муҳитни шакллантириш ҳамда таълим, тиббиёт, экология, қурилиш, транспорт, коммунал хўжалиги, бандлик, ижтимоий хизматлар кўрсатиш ва бошқа соҳаларнинг энг долзарб муаммолари ечимига қаратилади;

ҳар йили камда бир маротаба вазирликлар, идоралар, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари томонидан соҳавий ва худудий фуқаролик жамияти институтлари вакиллари билан очик мулоқот ўтказилади;

фуқаролик жамияти институтларига тегишли соҳа ва тармоқларда мавжуд муаммоларнинг таъсирчан ечимини назарда тутувчи ташаббусли лойиҳаларни амалга ошириш учун давлат ижтимоий буюртмасини олиш тўғрисида манфаатдор давлат органига тақлиф киритиш ҳуқуқи берилди. Бунда ташаббусли лойиҳа белгиланган тартибга мувофиқ давлат органи ҳузуридаги жамоатчилик кенгаши томонидан ижобий баҳоланган тақдирда, унинг ташаббускорига давлат органининг бюджетдан ташқари маблағлари ҳисобидан базавий ҳисоблаш миқдорининг миңг бараваригача миқдорда тўғридан-тўғри шартнома тузиш йўли билан ижтимоий буюртма берилиши мумкин.

8. Белгилаб қўйилсинки: давлат органлари ҳузуридаги жамоатчилик кенгашлари (кейинги ўринларда — жамоатчилик кенгашлари) раислари фуқаролик жамияти институтлари вакиллари орасидан тасдиқланади;

ҳар йили жамоатчилик кенгашларининг фаолияти самарадорлиги баҳоланади ва унинг натижалари эълон қилинади;

жамоатчилик кенгашларининг фаол аъзолари давлат органининг бюджетдан ташқари маблағлари ҳисобидан моддий рағбатлантириш борилади.

“Юксалиш” ҳаракатига ҳар йили жамоатчилик кенгашлари фаолият самарадорлигини баҳолаш ва унинг натижаларини ўз расмий веб-сайти ҳамда ижтимоий тармоқларда эълон қилиб бориш тавсия этилсин.

9. Давлат органлари ҳамда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари: икки ой мuddатда ўзларининг ҳузуридаги жамоатчилик кенгашлари фаолиятини қонунчилик ҳужжатларида белгиланган тартибда ҳамда мазкур фармоннинг 8-бандида назарда тутилган талаблар асосида қайта ташкил этсин;

“Юксалиш” ҳаракатига унинг сўровига асосан жамоатчилик кенгашлари фаолиятига доир маълумотларни тақдим этиб борилишини таъминласин.

10. Адлия вазирлиги уч ой мuddатда Ўзбекистон Республикасининг “Жамоатчилик назорати тўғрисида”ги қонунини жамоатчилик назорати механизмларини янада кенгайтириш нуктаи назаридан такомиллаштириш бўйича қонун лойиҳасини Вазирлар Маҳкамасига киритсин. Бунда қўйидагилар назарда тутилсин:

жамоатчилик назоратининг илғор хорижий тажрибага асосланган таъсирчан шакллари;

жамоатчилик назоратининг ҳар бир шаклини амалга ошириш механизми ва тартиб-таомиллари;

жамоатчилик назоратининг натижаларига кўра яқуний ҳужжатларни расмийлаштириш, жамоатчилик назорати объектига кириши ва уларни кўриб чиқишнинг аниқ тартиби ва мuddатлари;

давлат органи ҳузуридаги жамоатчилик кенгашлари фаолиятини тартибга солиш.

11. Олий Мажлис палаталари, Адлия вазирлиги, Ўзбекистон маҳаллалари уюшмаси, “Юксалиш” ҳаракати, “Тараққиёт стратегияси” маркази, Демократик жараёнларни таҳлил қилиш маркази, Ўзбекистон нодавлат нотижорат ташкилотлари миллий ассоциацияси ва Ўзбекистон Журналистлар уюшмасининг:

ҳар йили декабрь ойининг биринчи хафтасида “Фуқаролик жамияти ҳафталиги”ни ўтказиб бориш, унинг доирасида Олий Мажлис, Адлия вазирлигида нодавлат нотижорат ташкилотлари вакиллари билан учрашув ва мулоқот ўтказиш, фуқаролик жамияти институтларини рағбатлантириш

бўйича тадбирлар ташкил этиш, шу жумладан, “Фуқаролик жамиятини ривожлантиришга қўшган ҳиссаси учун” кўкрак нишони билан тақдирлаш;

ҳар икки йилда Фонд томонидан тақдирланадиган “Фуқаролик ташаббуси” миллий мукофотини таъсис этиш;

журналистлар ўртасида ҳар йили аънавий ўтказиб келинаётган “Олтин қалам” миллий мукофоти учун халқаро танловда фуқаролик жамияти институтлари фаолиятини ёритиш йўналишида номинация ташкил этиш тўғрисидаги тақлифлари маъқуллансин.

Адлия вазирлиги бир ой мuddатда “Фуқаролик ташаббуси” миллий мукофоти билан тақдирлаш тартиби тўғрисидаги низом лойиҳасини ишлаб чиқсин ва Вазирлар Маҳкамасига киритсин.

Белгилансинки, мазкур банднинг иккинчи ва учинчи ҳабабларида назарда тутилган тадбирларни ўтказиш билан боғлиқ харажатлар Фондга ажратиладиган маблағлар, ҳомилий хайриялари ҳамда қонунчилик ҳужжатлари билан таққидланмаган бошқа манбалар ҳисобидан қопланади.

12. Олий Мажлис Қонунчилик палатаси ҳамда Ўзбекистон нодавлат нотижорат ташкилотлари миллий ассоциацияси аъзоларининг мазкур ассоциация раисига Олий Мажлис Қонунчилик палатаси ва унинг қўмиталари (комиссиялар) мажлисларида нодавлат нотижорат ташкилотларининг вакили сифатида иштирок этиш ҳуқуқини бериш ҳақидаги тақлифи қўллаб-қувватлансин.

Нодавлат нотижорат ташкилотларининг вакили ижтимоий шериклик ва жамоатчилик назоратининг таъсирчан механизмларини жорий қилиш, уларни амалиётга тўғри қўлаш юзасидан тақлифлар киритиши ҳамда нодавлат нотижорат ташкилотларининг ҳуқуқ ва манфаатларини ифода этиши маълумот учун қабул қилинсин.

13. Адлия вазирлиги манфаатдор вазирлик ва идоралар билан биргаликда ҳар йили ижтимоий-иқтисодий ривожлантириш дастурларини амалга оширишда фуқаролик жамияти институтларини ижтимоий шериклик асосида жалб қилиш дастурини ишлаб чиқсин ва тасдиқлаш учун Вазирлар Маҳкамасига киритсин.

14. Рақамли технологиялар вазирлиги Фонд билан биргаликда 2024 йил 1 октябрдан бошлаб фуқаролик жамияти институт-

ларида давлат субсидиялари, грантлари ва ижтимоий буюртмаларини ажратиш билан боғлиқ барча жараёнларнинг шаффофлигини таъминлашга қаратилган қўйидаги асосий имкониятларни назарда тутувчи ягона электрон платформани ишга туширсин;

фуқаролик жамияти институтлари ва кенг жамоатчилик томонидан танловлар йўналишларини шакллантириш ҳамда уларнинг муҳокамасида бевосита иштирок этиш; танловларда иштирок этиш учун лойиҳаларни топириш ва давлат субсидиясини олиш учун буюртмаларни юбориш, уларни кўриб чиқиш ва баҳолаш жараёнларини кузатиб бориш;

танлов иштирокчиларидан талаб этиладиган ҳужжатларни электрон платформани давлат органларининг маълумотлар базаларига интеграция қилиш орқали онлайн олиш.

15. Адлия вазирлиги Фуқаролик жамиятини ривожлантириш марказининг Туга-ти комиссияси билан биргаликда Фуқаролик жамиятини ривожлантириш марказининг мол-мулкни ушбу соҳада фаолият юритаётган нодавлат нотижорат ташкилотлари эҳтиёжи учун йўналтирилишини таъминласин.

16. Иқтисодиёт ва молия вазирлиги, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари ҳар йили Парламент комиссиясининг асосланган ҳисоб-китобларига кўра фуқаролик жамияти институтлари йўлга қўйидаги қувватлаш билан боғлиқ харажатларни Давлат бюджети параметрларида назарда тутсин.

17. Адлия вазирлиги манфаатдор вазирлик ва идоралар билан биргаликда икки ой мuddатда қонунчилик ҳужжатларига ушбу фармондан келиб чиқадиган ўзгартириш ва қўшимчалар тўғрисида Вазирлар Маҳкамасига тақлифлар киритсин.

18. Мазкур фармоннинг ижросини самарали ташкил этишга масъул ва шахсий жавобгар этиб адлия вазири А.Д.Ташкулов белгилансин.

Фармон ижросини назорат қилиш ва масъул ижрочиларнинг фаолиятини мувофиқлаштириш Ўзбекистон Республикасининг Бош вазири А.Н.Арипов ҳамда Ўзбекистон Республикаси Президентининг маслаҳатчиси Р.Қ.Давлетов зиммасига юклансин.

Ўзбекистон Республикаси Президенти

Ш. МИРЗИЁЕВ

Тошкент шаҳри, 2024 йил 26 август

Ўзбекистон Республикаси Президентининг “Фуқаролик жамияти институтларини давлат томонидан қўллаб-қувватлаш тизимини янада такомиллаштириш чора-тадбирлари тўғрисида”ги фармонига ШАРҲ

Сўнгги йилларда мамлакатимизда эркин ва кучли фуқаролик жамиятини шакллантириш борасида кенг қўламли ислохотлар амалга оширилди, шу жумладан, уларнинг давлат ва жамият бошқарувида фаол иштирок этиши учун зарур ташкилий-ҳуқуқий шарт-шароитлар яратилди, давлат томонидан қўллаб-қувватлаш механизмлари такомиллаштирилди.

Биринчидан, янги таҳрирдаги Ўзбекистон Республикасининг Конституциясига фуқаролик жамияти институтларига бағишланган алоҳида боб киритилди, улар конституциявий институт сифатида эътироф этилди.

“Ўзбекистон — 2030” стратегиясида ҳам халқ хизматига дават бошқарувини ташкил этиш ва жамоатчилик бошқарувини такомиллаштириш бўйича ислохотлар алоҳида йўналиш сифатида белгиланган.

Ўзбекистон тарихида биринчи маротаба 2021-2025 йилларда фуқаролик жамиятини ривожлантириш концепцияси қабул қилинди.

Иккинчидан, фуқаролик жамияти институтларини қўллаб-қувватлашнинг демократик институционал тизими яратилди. Хусусан, Парламент ҳамда халқ депутатлари маҳаллий Кенгашлари ҳузурида жамоат фонлари тузилган.

Жумладан, фуқаролик жамияти институтларини қўллаб-қувватлаш учун Давлат бюджетидан сўнгги етти йилда 718 миллиард сўм ажратилди (2008-2016 йилларга солиштирганда 12 баробар кўп).

Кейинги 3 йилда худудий фондар орқали 83 миллиард сўмлик 1600 та лойиҳа амалга оширилди.

Учинчидан, ногиронлиги бўлган шахсларнинг ҳуқуқлари ва манфаатларини ҳимоя қилиш, уларнинг ижтимоий ҳимоясини янада кучайтириш мақсадида Ногиронлар

жамияти, Карлар жамияти, Кўзи оқизлар жамияти, Ногиронлар ассоциацияси, уларнинг 500 га яқин тизим ташкилотлари тўлиқ давлат ҳомилийига олинди.

Тўртинчидан, сўнгги 7 йилда фуқаролик жамияти институтларини давлат томонидан қўллаб-қувватлаш чора-тадбирлари доирасида ҳар бир ҳудудда “Нодавлат нотижорат ташкилотлар уйлари” ташкил этилди (350 та ННТ бенул жойлаштирилди).

Бешинчидан, нодавлат нотижорат ташкилотларини рўйхатдан ўтказиш божлари ўртгача икки баробар пасаитрилди. Ногиронлиги бўлган шахслар, фахрийлар, нуронийлар, хотин-қизлар, болалар жамоат бирлашмалари рамзларини давлат рўйхатидан (кайта рўйхатдан) ўтказиш эса бождан тўлиқ озод этилди. Қайта рўйхатдан ўтиш мuddати бир ойдан 15 кунга қисқартирилди.

Олтинчидан, нодавлат нотижорат ташкилотлар томонидан ўз тадбирларини ўтказишда адлия органининг рұхсатини олиш талаби бекор қилиниб, уларнинг фаолият эркинлиги янада мустаҳкамланди.

Еттинчидан, ташқи манбалардан маблағ олиш жараёни осонлаштирилди. Махсус ҳисоб рақам очиш талаби бекор қилинди. Маблағ олиш бўйича муножатларни кўриб чиқиш мuddати 40 кундан 15 кунга қисқартирилди. Бундан ташқари адлия органи билан келишмасдан олиннадиган маблағ миқдори 5 бараварга оширилди. Натижада сўнгги 7 йилда жалб этилган халқаро грантлар 125 миллион доллардан ошди.

Саккизинчидан, барча давлат хизматлари электрон тарзда кўрсатилмоқда. Бунинг 83 миллион сўмлик 1600 та лойиҳа амалга оширилди.

Тўққизинчидан, фуқаролик жамияти институтлари ислохотларнинг энг яқин ҳамкорига айланди, ҳар йили қабул қилинадиган Давлат дастурларининг 350 та банди

ижросида нодавлат нотижорат ташкилотлар бевосита иштирок этди.

Бугун яратилаётган қулай шароитлар натижасида фуқаролар ҳуқуқини, демократик қадриятларини ҳимоя қилиш, таълим, тиббиёт, маданият ва бошқа соҳаларда қарийб 10 мингта нодавлат нотижорат ташкилотлар эркин фаолият юритмоқда, уларда 70 мингта яқин инсонлар меҳнат қилмоқда.

Ўзбекистон Республикаси Президенти томонидан имзоланган фармон юқоридagi ислохотларнинг узвий давоми бўлиб, фуқаролик жамияти институтларини давлат томонидан қўллаб-қувватлашнинг шаффоф ва соғлом рақобат тамойилига асосланган тизимини, шунингдек, ижтимоий фойдали дастурлар самарадорлигини ошириш учун қўшимча шарт-шароитлар яратишга қаратилган.

Фармон билан фуқаролик жамиятини қўллаб-қувватлаш борасидаги қўйидаги янги ислохотлар назарда тутилмоқда.

1. Мамлакатимиз тараққиётининг бугунги босқичида соҳани давлат томонидан қўллаб-қувватлашнинг фуқаролик жамияти институтларининг ўрнини оширишга хизмат қиладиган энг муҳим олтита йўналиши белгилаб берилди.

2. Ўзбекистон Республикаси Президенти томонидан давлат грантлари ва ижтимоий буюртмалари учун муносиб лойиҳаларни танлаб олиш сифати ва шаффофлигини ошириш мақсадида соҳадаги институционал ўзгаришлар қўллаб-қувватланди.

Хусусан, Парламент ҳузурида Фуқаролик жамияти институтларини қўллаб-қувватлаш жамоат фонди ва унинг худудий бўлинмалари ташкил этилиб, ижтимоий лойиҳаларнинг манзиллиги таъминланади, бюрократияга чек қўйилди.

Ушбу фондини бошқариш бўйича Парламент комиссиясига навбатма-навбат Сенат ва Қонунчилик палатаси

вакиллари раислик қилиб боради. Бу эса фондини бошқариш самарадорлигини оширади.

3. Қорақалпоғистон Республикаси Жўқорғи Кенгеси ва халқ депутатлари маҳаллий Кенгашлари ҳузурида фуқаролик жамияти институтлари вакилларида иборат бўлган маслаҳат гуруҳлари фаолияти йўлга қўйилди.

4. “Ижтимоий шериклик тўғрисида”ги қонун қабул қилинганга 10 йил бўлган бўлса, вазирлик ва идоралар ўзлари масъул бўлган соҳаларга ихтисосланган нодавлат нотижорат ташкилотлари билан ҳамкорликни янада мустаҳкамлаш эҳтиёжи мавжуд.

Шу боис, ҳар йили давлат органлари ижтимоий буюртма танловларини ҳамда фуқаролик жамияти институтларини вакиллари билан очик мулоқот ўтказиши белгилаб берилди.

Давлат органларига фуқаролик жамияти институтларининг ташаббусли ижтимоий шериклик лойиҳаларини БҲМнинг 1000 бараваригача танловларини молиялаштириш ҳуқуқи берилди.

5. Ижтимоий-иқтисодий ривожлантириш дастурлари ижросига фуқаролик жамияти институтларини ижтимоий шериклик асосида жалб қилишни тизимлаштириш мақсада мувофиқ.

Мазкур йўналишда давлат органлари ва фуқаролик жамияти институтларининг кучларини бирлаштириш мақсадида эндиликда ҳар йили Вазирлар Маҳкамаси алоҳида дастур қабул қиладди.

6. Фуқароларнинг давлат ва жамият мақсадидаги иштирокини кенгайтириш мақсадида давлат органлари ҳузуридаги жамоатчилик кенгашларига фуқаролик жамияти институтлари вакили раислик қилиши тартибига ўтиди.

7. Давлат грантлари ва ижтимоий буюртма лойиҳаларининг ижтимоий аҳамиятга

молик эканлиги эътиборга олинди, бундай лойиҳалар доирасида даромад солиғи ва ижтимоий солиқ ставкалари 3 йил мuddатга 50 фоизга камайтирилди. Тежалган маблағлар лойиҳа мақсадида йўналтирилади ҳамда уларнинг самарадорлиги ортишига қўйилди.

8. Ногиронлиги бўлган шахслар, фахрийлар, хотин-қизлар ва болалар ташкилотларини тузиши янада энгиллаштириш учун 2025 йил 1 январдан бошлаб шундай ташкилотларни рўйхатдан ўтказиш учун давлат божи 2 бараварга кама